

Berigte en Mededelings

Woordeboek vir Tuinboukunde

Die eerste lys Tuinbouterme het reeds in 1971 verskyn. Hierdie lys Tuinbouterme is reeds etlike jare uit druk en ook verouderd.

Die vak Tuinboukunde behels die kuns en/of wetenskap van die kweek en/of bestuur van 'n tuin, boerd of landgoed met vrugte, groente, sierstruiken en blomme. Die status van Tuinboukunde as vakgebied het dan ook die afgelope dekade aansienlik toegeneem en lewer tans 'n enorme bydrae tot die landsekonomie. Subdissiplines soos bv. Plantbiotecnologie het ontwikkel en die behoeftes aan 'n volwaardige Tuinboukundewoordeboek het sterk op die voorgrond getree.

Die projek om die lys Tuinbouterme te hersien en om dit in 'n volwaardige Tuinboukundewoordeboek te omskep, wat rekening hou met die nuutste ontwikkeling op hierdie gebied, is op inisiatief van die Nasionale Vakterminologiediens van stapel gestuur.

Nadat die konsepylyste van die Tuinboukundeterme landwyd vir kommentaar versprei is, het 'n redaksiekomitee vanaf Augustus 1987 die finale afrondingswerk gedoen.

Behalwe die drie basiese bene waarop Tuinboukunde rus, nl. Plantanatomie, Plantbiochemie en Plantfisiologie, toon die vakgebiede ook raakpunte met verskeie ander dissiplines. Die toekomstige

gebruiker van die woordeboek kan dus verwag om terme wat tuishoort by Genetika, Plantsiektekunde, Akkerbou, Landbou-ingenieurswese, Landskapontwerp ens. hier aan te treffen. Aangesien volledigheid met die opstel van 'n woordeboek van hierdie aard bykans onmoontlik is, word daar gepoog om die terme wat die hoogste gebruiksfrekvensie in die verskeie subdissiplines toon, in die Woordeboek op te neem.

Die Woordeboek vir Tuinboukunde sal dus uit twee afdelings bestaan, nl. die afdeling vir algemene tuinboukundeterme en die gedeelte wat slegs plantname sal bevat. Die taksonomiese benamings sowel as die Engelse en Afrikaanse volksname sal in laasgenoemde gedeelte vervat word. Die werk is reeds in 'n gevorderde stadium en die Woordeboek behoort gedurende die tweede helfte van 1988 te verskyn.

Bo en behalwe vir die navorsers, dosent en die student word dit ten doel gestel om die gewone tuinmaakntoesias leiding te gee op die gebied van tuinboukundeterminologie.

Belangstellendes kan met prof. L.C. Holtzhausen (Departement Tuinboukunde, Universiteit van Pretoria) of mev. L.A. Genis (Nasionale Vakterminologiediens) in verbinding tree met die oog oplewering van verdere bydraes tot die projek.

Toekomstige Byeenkomste

- Die Geassosieerde Wetenskaplike en Tegniese Vereniging van Suid-Afrika, in samewerking met 'n aantal ander instansies, bied van 23-24 Augustus 1988 'n konferensie met die tema *Mense vir navorsing en ontwikkeling 1988*, by die WNNR-konferensiesentrum aan. Navrae en korrespondensie: Die Konferensiekoördineerders S. 446 (Aandag mev. M. Meyer), Posbus 395, Pretoria 0001. Tel. (012) 841-4412 (Mev. Meyer), 841-3816 (Mev. Taylor).
- Die Suid-Afrikaanse Pediatriese Vereniging se tweejaarlikse kongres vind van 31 Augustus tot 2 September by die Departement Kindergeneeskunde, Universiteit van Pretoria plaas. Navrae: Die Sekretariaat, SAPV-kongres 1988, Departement Kindergeneeskunde, Universiteit van Pretoria, Pretoria 0002. Tel. (012) 21-3211 (Dr. S.P.E. Naude).
- 'n Kongres van die Suid-Afrikaanse Ortopediese Vereniging word van 6-9 September by die Bloemfontein Sun gehou. Navrae: Dr. Terblanche, Durdocsentrum, Smithstraat, Durban. Tel. (031) 301-1808.
- 'n Konferensie oor Kergeneeskunde word van 7-9 September by die Mediese Fakulteit, Univer-
- siteit van die Oranje-Vrystaat gehou. Navrae: Prof. A.C. Otto, UOVS, Posbus 339, Bloemfontein 9300. Tel. (051) 7-0741.
- 'n Kongres van die Vereniging vir Neurochirurje van Suid-Afrika vind gedurende September in Pretoria plaas. Navrae: Dr. W. Albertyn, Dept. Neurochirurgie, H.F. Verwoerdhospitaal, Pretoria 0001. Tel. (012) 21-3211.
- 'n Simposium oor seksueeloordraagbare siektes en gesinsbeplanning vind van 2-4 November by die Universiteit van Kaapstad plaas. Navrae: Mev. Sally Elliot, Universiteit van Kaapstad, Privaatsak, Rondebosch 7700. Tel. (021) 47-1250.
- 'n Simposium met die tema *Berekeningsvloeidynamika* word van 21-23 November 1988 by die WNNR-konferensiesentrum, Pretoria gehou. Die simposium word gereel deur die Nasionale Instituut vir Lugvaartkunde en Stelseltegnologie van die WNNR. Navrae en korrespondensie: Die Konferensiekoördineerder S. 482, WNNR, Posbus 395, Pretoria 0001. Tel. (012) 841-2063 (Una Wium), 841-3475 (Anna Gildenhuys), 841-2077 (Carol Arnold).